



Pou Piblikasyon Imedya: 29/03/2023

GOUVÈNÈ KATHY HOCHUL

**GOUVÈNÈ HOCHUL PIBLIYE PWOKLAMASYON KI ONORE VETERAN VYETNAM
NEW YORK YO AK FANMI YO POU SÈVIS AK SAKRIFIS YO**

Moniman Eta a yo pral limen nan koulè meday sèvis Vyetnam

Jodi a se 50èm anivèsè depa dènnye twoup Ameriken yo ki te soti nan Vyetnam

Li pwoklamasyon an [isit la](#)

Gouvènè Kathy Hochul te pibliye jodi a yon [pwoklamasyon](#) ki deklare 29 mas 2023 kòm Jounen Veteran Vyetnam yo. Pwoklamasyon sa a rekonèt sèvis ak sakrifis Veteran Lagè Vyetnam nan New York yo nan 50èm anivèsè dat dènnye twoup konba Ameriken yo te kite Repiblik Vyetnam. Anplis de sa, Gouvènè Hochul te mande pou yo limen moniman yo atravè Eta New York nan koulè vèt, jòn ak wouj kòm an rekonesans ak Jounen Veteran Vyetnam yo. Twa koulè yo onore Meday Sèvis Vyetnam nan ke Manm Sèvis Ameriken yo ki te sèvi pandan Lagè Vyetnam lan te genyen. Yo rekonèt manm sèvis ak meday ki te sèvi sou tèren an nan Vyetnam, Kanbòdj, Laos, Taylans oswa nan dlo oswa espas ayeryen ki kole ak zòn sa yo.

"Veteran Vyetnam yo merite pi gwo respè ak rekonesans pou sèvis imans yo bay eta nou an ak nasyon nou an", **Gouvènè Hochul te deklare.** "Nan New York, nou travay chak jou pou asire ke yo felisite epi sonje responsabilite ak sakrifis yo, epi se onè pou m selebre 207,000 Veteran Vyetnam yo nan New York nan Jounen Veteran Vyetnam sa a."

Viviana DeCohen, Direktè Divizyon Sèvis pou Veteran Eta New York la, te deklare, "Pandan twò lontan, yo te kite Veteran Vyetnam nou yo pou yo defann tèt yo san respè ak onè yo merite pou sèvis kouraje yo. Mwen fyè dèske kounye a epi isit la nan New York, nou pran angajman pou asire ke yo wè, felisite, ak bat bravo pou tout moun ki te sèvi yo pou travay eksepsyonèl pa yo nan non peyi nou an. Nan Jou Veteran Vyetnam sa a epi chak jou, nou remèsye yo pou sèvis yo."

Yo estime genyen 207,000 Veteran Lagè Vyetnam k ap viv kounye a nan Eta New York, epi 4,119 Nouyòkè te mouri pandan lagè a pou defann nasyon sa a ak valè li reprezante. Non yo figire pami 58,276 non ki endike nan Mi Memoryal Vyetnam

(Vietnam Memorial Wall) la nan Washington, D.C. [Mi Memoryal Vyetnam](#) Eta New York la sitiye sou Empire State Plaza nan Albany.

Yo pral limen moniman istorik eta sa yo an vèt, jòn ak wouj aswè a:

1. One World Trade Center
2. Pon Gouvènè Mario M. Cuomo (Governor Mario M. Cuomo Bridge)
3. Pon Kosciuszko (Kosciuszko Bridge)
4. Batiman SUNY H. Carl McCall (The H. Carl McCall SUNY Building) lan
5. Batiman Edikasyon Eta a (State Education Building)
6. Bilding Biwo Leta Bilding Alfred E. Smith la
7. Empire State Plaza
8. Pak Ekspozisyon Eta - Pòtay Prensipal ak Sant Ekspozisyon
9. Chit Nyagara
10. Pon Franklin D. Roosevelt nan Mid-Hudson
11. Pòtay Entènasyonal Ayewopò Albany
12. MTA LIRR - East End Gateway nan Penn Station
13. Pon Flotan nan Fairport (Fairport Lift Bridge) sou Kanal Erie a.
14. Moynihan Train Hall

Enfòmasyon sou Divizyon Sèvis Veteran yo

[Divizyon Sèvis Veteran Eta New York la](#) la, ki sèvi kòm ajans defans eta a pou veteran yo, militè yo, ak fanmi militè yo depi 1945, kenbe yon angajman nan tout ajans lan pou sèvi tout veteran yo, militè yo, ak fanmi militè yo nan yon pakèt domèn pratik, ki gen ladan reklamasyon ak kontestasyon pou avantaj ki soti nan Depatman Zafè Veteran Etazini, kontestasyon pou mizajou sou dechaj bay Depatman Defans (Department of Defense, DOD) Etazini an, ak reklamasyon pou avantaj Eta New York yo. Yo ankouraje Veteran yo, militè yo, ak fanmi militè yo pou yo kontakte Divizyon an nan 888-838-7697 oswa sitwèb li a veterans.ny.gov pou rankontre — an pèsòn oswa vityèllman — ak yon Konseye Avantaj Veteran ki akredite pou adrese bezwen yo epi pou yo jwenn tout avantaj yo genyen yo. Swiv DVS sou [Facebook](#), [Instagram](#) ak [Twitter](#).

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)